

এসইভিআইএস ভিসা আবেদনকারীদের জন্য ভিসা ফি বৃদ্ধি করা হচ্ছে

ঢাকা, আগস্ট ৫-- যেকোনো প্রতিবছরই যুক্তরাষ্ট্রে স্টুডেন্ট ও এক্সচেঞ্জ ভিসা প্রার্থীদের সংখ্যা বাড়ছে, সেহেতু সকল প্রার্থীর ভিসা প্রদানের আনুষ্ঠানিকতা যতদূর সম্ভব সহজ ও স্বচ্ছ করার জন্য পররাষ্ট্র দফতর সব ধরনের প্রচেষ্টা চালিয়ে থাকে। এই প্রক্রিয়া সহজতর করার জন্য স্টুডেন্ট (এফ এবং এম) এবং এক্সচেঞ্জ (জে) প্রোগ্রামের আওতায় ভিসা পেতে হলে সব প্রার্থীকেই এই প্রমাণ দেখাতে হবে যে তারা যুক্তরাষ্ট্রের হোমল্যান্ড সিকিউরিটি দফতরে অতিরিক্ত ১০০ ডলার ফি জমা দিয়েছেন। ঢাকায় যুক্তরাষ্ট্র দূতাবাস এখন এই ফি সংগ্রহ করবে না, তবে যুক্তরাষ্ট্রের হোমল্যান্ড সিকিউরিটি দফতরে অবশ্যই এই অর্থ জমা দিতে হবে। দূতাবাস কেবল যাচাই করে দেখবে নতুন এই ফি জমা দেয়া হয়েছে কি না। ফি জমা দেয়ার প্রমাণপত্র ছাড়া কোন ভিসা প্রদান করা হবে না।

স্টুডেন্ট অথবা এক্সচেঞ্জ ভিজিটর যাদের আই-২০ অথবা ডিএস-২০১৯ আছে, তাদেরকে ২০০৪ সালের পহেলা সেপ্টেম্বরের পর থেকে স্টুডেন্ট এন্ড এক্সচেঞ্জ ভিজিটর (এসইভিআইএস) ফি নামে পরিচিত নতুন এই ফি দিতে হবে। এটা কেবল ভিসার জন্য মূল আবেদনকারীদের ক্ষেত্রে প্রযোজ্য হবে, তাদের স্বামী-স্ত্রী বা সন্মানদের এই ফি দিতে হবে না। নতুন এই ফি অফেরৎযোগ্য এবং ভিসা প্রদানের সাথে এর কোন সম্পর্ক নেই।

যে সকল ছাত্র-ছাত্রী আগামী শরৎকালীন সেশনে যুক্তরাষ্ট্রে যাবার পরিকল্পনা করছেন অথবা যারা স্বল্পকালীন ছুটি ভোগের পর এফ-১ ভিসা নবায়ন করতে যাচ্ছেন তাদের নতুন এই ফি জমা দিতে হবে না। প্রতি ছাত্র বা ছাত্রীর জন্য প্রতি বছর আবেদনের সময় কেবল একবার এই ফি জমা দিতে হবে। একজন ছাত্র বা ছাত্রী কয়টি শিক্ষা প্রতিষ্ঠানে আবেদন করেছে, তার আবেদন গৃহিত হয়েছে কি না বা কতবার তিনি ভিসার জন্য আবেদন করেছেন- এসব বিষয় এক্ষেত্রে বিবেচ্য নয়।

এক্সচেঞ্জ প্রোগ্রামের জন্য ভিসা আবেদনকারীদেরকে তিনি যে প্রোগামে অংশ নেবেন সেই প্রোগামের জন্য ফি জমা দিতে হবে। তবে এক্ষেত্রে ভিসা আবেদনকারীর পরিবর্তে এক্সচেঞ্জ ভিজিটর প্রোগামের স্পন্সর সরাসরি এসইভিআইএস ফি জমা দিতে পারবেন। যুক্তরাষ্ট্র সরকারের আতিথেয়তায় কোন ব্যক্তি যুক্তরাষ্ট্রে ভ্রমণে গেলে তাকে এই ফি জমা দিতে হবে না।

ভিসা প্রার্থীরা বা তাদের স্পন্সর ডাকযোগে অথবা ইন্টারনেটের মাধ্যমে এই ফি জমা দিতে পারবেন।
বড় ধরনের সব ক্রেডিট কার্ডের মাধ্যমে www.fmjfee.com ওয়েবসাইটে ফি জমা দেয়া যাবে। ভিসা
প্রার্থীদের সাক্ষাৎকারের কমপক্ষে ৩ দিন আগে অবশ্যই ফি জমা দিতে হবে।

এসইভিআইএস প্রোগাম সম্পর্কে আরো বিস্তারিত তথ্য যুক্তরাষ্ট্রের ইমিগ্রেশন এন্ড কাস্টমস
এনফোর্সমেন্ট বিভাগের স্টুডেন্ট এন্ড এক্সচেঞ্জ ভিজিটর প্রোগামের ওয়েবসাইটে www.ice.gov পাওয়া
যাবে।

=====

জিআর/ ২০০৪

দ্রষ্টব্য: এই নিবন্ধের ইংরেজি ভাষা 'অ্যামেরিকান সেন্টার'-এ পাওয়া যাবে। যদি আপনি ইংরেজি ভাষাটি পেতে আগ্রহী হন,
তবে 'অ্যামেরিকান সেন্টার'-এর প্রেস সেকশনে (টেলিফোন: ৮৮১০৪৪০-৪, ফ্যাক্স: ৯৮৮১৬৭৭; ই-মেইল:
dhaka@pa.state.gov এবং Website: <http://www.usembassy-dhaka.org>) যোগাযোগ করুন।